

SHTOJCA 2. RAPORTI I PERFORMANCES



Adresa: Rr. "L.Gurakuq", Ndëtesa 18, H.4, K.6, Ap.21,
Tiranë, Albania
T: 04 56 28 875
Web: www.viar.al



Str. Margareta Tutulani,
Palazzo Viridiano 1, 1-st floor,
Tirana, Albania
T: +355 4 223 2726
www.nexia.al

Letra për Drejtimin -Raporti Vjetor 2022

Enti Rregullator i Energjisë (ERE)

Tiranë, më 30 Mars 2023

*Enti Rregullator i Energjisë (ERE) Letra për Drejtimin – Raporti Vjetor 2022***Përmbajtja**

LETER REKOMANDIMI E PROFESIONISTËVE TË PAVARUR	2
REKOMANDIME TË AUDITUESVE TË PAVARUR PËR VLERËSIMIN E PËRFORMANCËS 2022	3
1. Automatizimi i mënyrës së raportimit të të licensuarve pranë ERE-s.....	3
2. Mbivendosje funksionesh në strukturën organizative të ERE.....	4
REKOMANDIMET PËR VITIN 2022 SIPAS REZOLUTËS “PËR VLERËSIMIN E VEPRIMTARISË SË ERE PËR VITIN 2021”	5
1. Nxitja e investimeve për prodhimin e energjise elektrike nga burimet e rinovueshme	5
2. Mbrojtja e interesave të konsumatoreve nga çmimet e larta të energjisë.....	6
3. Metodologjia e çmimit të blerjes së energjisë elektrike të prodhuar nga vetëprodhuesit	7
4. Nxitja e vënies në funksion e bursës së energjisë elektrike.....	8
5. Ndihmesë në ndërtimin e rrjetit të transmetimit dhe shpërndarjes së gazit natyror	9
6. Përditësimi i faqes zyrtare në internet të linkut/grafika "Bëj një ankesë" në ERE	10
7. Vlerësimi nga ERE i Performancës së Shërbimit ndaj klientit	11
8. Mbrojtja e të drejtave të konsumatoreve të energjise elektrike.....	12
9. Sensibilizimi i konsumatorit për përdorimin me eficiencë të energjisë elektrike.....	13
10. Ofertimi i çmimeve nëpërmjet një platforme të furnizuesve të lincensuar.....	14
11. Instalimi gradual i matësve inteligjentë, bazuar në një analize kosto-përfitim.....	15
STATUSI I ÇËSHTJEVE SIPAS LETRËS SË DREJTIMIT TË VITIT 2021.....	16
1. Zvogëlimi i barrierave rregullatore	16
STATUSI I ÇËSHTJEVE SIPAS LETRËS SË DREJTIMIT TË VITIT 2020.....	17
1. Pronësia e kabinave elektrike.....	17
2. Ankesat konsumatore për periudhën 2008-2011	18
3. Sistemet informative dhe rreziku i sulmit kibernetik	19
REKOMANDIME TË TJERA.....	20

*Enti Rregullator i Energjisë (ERE) Letra për Drejtimin – Raporti Vjetor 2022***LETËR REKOMANDIMI E PROFESIONISTËVE TË PAVARUR****Drejtuar: Kryetarit dhe Bordit të Entit Rregullator të Energjisë (ERE)**

Gjatë planifikimit dhe kryerjes së procedurave tona për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2022 ("të dhëna të zgjedhura"), me qëllim dhënien e sigurisë së kufizuar ne morëm në konsideratë strukturën e kontrollit të brendshëm të Entit në mënyrë që të përcaktonim procedurat e Angazhimit për Dhënien e Sigurisë planifikuar dhe kryer në përputhje me Standardin Ndërkombëtar SNAS 3000, "Angazhimet e Dhënies së Sigurisë ("SNAS 3000") që ndryshojnë nga Auditimet ose Rishikimet e Informacioneve Financiare Historike", me qëllim që të jepnim një opinion për dhënie sigurie të nivelit të kufizuar për:

- *Verifikimin e informacioneve shpjeguese cilësore dhe sasiore të paraqitura me strukturat organizative të ERE-s si dhe në Raportin Vjetor 2022 në mënyrë specifike për gjendjen në sektorin e energjisë elektrike dhe të gazit natyror, në krahasim me kriteret e zbatueshme ("Kriteret e Përformances", të ilustruara në Raportin Vjetor), mbështetur në Ligjin nr. 43/2015, "Për Sektorin e Energjisë Elektrike", i ndryshuar dhe Ligjin Nr. 102/2015 "Për Sektorin e Gazit Natyror", i ndryshuar.*

Ne kemi raportuar vetëm ato çështje që kanë qenë në vëmendjen tonë gjatë procesit të këtij angazhimi duke përfshirë dhe vlerësimin e sistemit të kontrollit të brendshëm deri në masën e nevojshme për të përcaktuar natyrën, kohën dhe shtrirjen e procedurave të tjera. Puna jonë nuk ka pasur si qëllim kryesor zbulimin e dobësive, zbulimin e mashtrimeve ose parregullsive të ngjashme dhe si rrjedhim nuk duhet të merret si bazë që asnjë dobësi tjetër nuk ekziston.

Çështjet e ngritura në këtë letër janë vetëm ato të cilat kanë qenë në vëmendjen tonë gjatë këtij angazhimi dhe që ne besojmë se duhet të sillen në vëmendjen tuaj. Nuk përfshihen të gjitha çështjet e mundshme, dhe në veçanti, ne nuk mund të jemi përgjegjës për raportimin e të gjitha rreziqeve në biznesin tuaj ose të gjitha dobësive në kontrollit e brendshëm. Rrjedhimisht, komentet në këtë letër i referohen vetëm çështjeve, të cilat kanë ardhur në vëmendjen tonë gjatë rrjedhës normale së punës sonë dhe nuk paraqet të gjitha përmirësimet e mundshme, të cilat mund të identifikohen nga një shqyrtim i veçantë.

Ky raport lëshohet vetëm për qëllim informativ dhe për përdorim nga Drejtimi dhe Bordi i ERE, e për rrjedhojë nuk mund të përdoret nga persona të tjerë.

Ne duam të shprehim vlerësimin tonë ndaj drejtimit dhe punonjësve për ndihmën dhe bashkëpunimin përgjatë procesit.

Nexia-AL sh.p.k
Orjana Kalaja

Auditues Ligjor
License Nr.284



VIAR-Consulting

Fatime Alliu

Auditues Ligjor

License Nr.166



Tiranë, më 30/03/2023

Enti Rregullator i Energjisë (ERE) Letra për Drejtimin – Raporti Vjetor 2022

REKOMANDIME TË AUDITUESVE TË PAVARUR PËR VLERËSIMIN E PËRFORMANCËS 2022

1. Automatizimi i mënyrës së raportimit të të licensuarve pranë ERE-s

Çështje

Gjatë kryerjes së procedurave tona për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2022, ne vumë re që përpunimi i informacionit në lidhje me Bilancin Energjistik kryhej në formate excel në departamentin e monitorimit në bazë të raportimeve të kryar nga operatorët e licensuar.

Këto formate raportimi ishin të ndryshme në varësi të secilit operator, nga ku ERE, konsolidon të dhënat më pas në mënyrë manuale, gjë që kërkon kohë dhe mund të jetë subjekt i gabimeve manuale.

Impakti

ERE, përgatit Raportin Vjetor, mbështetur në Ligjin nr. 43/2015, "Për Sektorin e Energjisë Elektrike", i ndryshuar dhe Ligjin Nr. 102/2015 "Për Sektorin e Gazit Natyror", i ndryshuar, megjithatë, nuk ka implementuar një sistem informatik gjithëpërfshires për konsolidimin e informacionit nga entitetet raportuese pa patur nevojën e ndërhyrjeve manuale.

Rekomandimi

Të krijohet një tool në excel monitorues dhe raportues i cili të unifikojë mënyren e raportimit të entiteteve të licensuar nga ERE. Në këtë tool çdo operator i sektorit energjistik duhet të ketë mundësinë të raportojë dhe dokumentojë në mënyrë të standardizuar bilancin e tij energjistik, gjë që duhet të lehtësojë edhe procesin e konsolidimit të të dhënave në mënyrë të standardizuar. Gjithashtu është evidentuar pamundësia e garantimit të një shërbimi cilesor që lidhen me inspektimet e të licensuarve ku përfshihen realizimet e inspektimeve të thelluara rastësore.

Komentet e Drejtimit

ERE ka parashikuar në Buxhetin e vitit 2022 zërin për investime në automatizimin e mënyrës së raportimit të pjesëmarrësve të tregut në ERE. Aktualisht kontrata për realizimin e këtij investimi është në proces implementimi dhe pritet të përfundojë brenda muajit Qershor 2023.

Gjithashtu ERE vlerëson të nevojshme parashikimet e duhura në Buxhet për vitin 2023 ku të sigurohen paisjet e nevojshme për të realizuar inspektimet e thelluara rastësore.

*Enti Rregullator i Energjisë (ERE) Letra për Drejtimin – Raporti Vjetor 2022***2. Mbivendosje funksionesh në strukturën organizative të ERE****Çështje**

Gjatë kryerjes së procedurave tona për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2022, ne vumë re që disa funksione monitorimi ndaj operatorëve të licensuar pranë ERE janë të përsëritura dhe të mbivendosura përkatesisht pranë Departamentit të Monitorimit të Tregut dhe Inspektiveve, si edhe pranë Departamentit të Licensimit, Autorizimeve dhe Mbikëqyrjes.

Gjithashtu ne vumë re se sipas kërkesave të Ligjit nr. 43/2015, Nenin 11 pika 7 ERE ka përcaktuar pagën dhe strukturën në përputhje me keto kërkesa. Kështu me anë të vendimit nr. 46, nr. 47 dhe nr. 61 të vitit 2016 janë miratuar Rregullorja për trajtimet financiare bazë të punonjësve të ERE, trajtimi financiar bazë me karakter të përkohshëm si edhe përcaktimi i nivelit të trajtimit financiar bazë për kushtet e tregut të punës.

Impakti

Mbivendosja e funksioneve dhe përsëritja e tyre në disa departamente, bën që të rriten kostot operacionale si edhe përsëritje procedurash për subjektet e licensuara duke shtuar burokracitë dhe kohën e procesimit të informacioneve.

Rekomandimi

Të rishikohet struktura organizative e ERE si edhe përkrahimi i roleve të secilit departament, duke parë mundësinë që funksionet mos të jenë të përsëritura por të rritet koordinimi midis departamenteve në mënyrë që të kontribuojë në rritjen e efikasitetit në kryerjen e proceseve të ndryshme administrative. Po ashtu vërehet që ambjentet e punës në ERE nuk ofrojnë kushte optimale për punojësit dhe për shërbimet ndaj konsumatorëve, të licensuarve si dhe pozicionit që ERE zë në sektorin e Energjisë brenda dhe jashtë vendit.

Duhet vlerësuar mundësia e sigurimit të ambjenteve të përshtatshme për kryerjen e funksioneve të dhe shërbimeve të ERE sipas standarteve.

Komentet e Drejtimit

ERE në zbatim të rekomandimit të lëna për vitin 2021, ka realizuar analizën përkatëse lidhur me ndarjen e funksioneve të drejtorive respektivisht DLAM, DMTI dhe DMKPS. Nga analiza rezultoi se detyrat e këtyre drejtorive janë të ndara sikurse vijon:

DLAM kryesisht realizon mbikëqyrjen e kushteve të licensës, në të njëjtën kohë DMTI realizon procesin e monitorimit të tregut me shumicë të energjisë elektrike ku rol të vecantë kanë transaksionet në tregun e energjisë elektrike, DMPKS realizon mbikëqyrjen e standarteve të cilësisë së furnizimit me energji elektrike në tregun me pakicë të energjisë.

ERE në vijim, në përputhje me dinamikën e zhvillimit të tregut të energjisë, rekomandimeve të vitit 2021 të auditit si dhe eksperiencave të institucioneve homologe ka përgatitur rishikimin e strukturës organizative.

Në këtë kuadër të rishikohet dhe të përshtatet rregullorja e funksionimit të ERE në përputhje me strukturën e përgatitur.

Bordi i ERE në përputhje me Ligjin nr.43/2015, ka përcaktuar pagën dhe strukturën në përputhje me Nenin 11 pika 7 të ligjit. Për më tepër Bordi ka marrë parasysh edhe kushtet e tregut dhe nivelin e pagave të subjekteve që kontrollohen nga ERE në procesin e përcaktimit të tyre për punonjësit e saj.

Enti Rregullator i Energjisë (ERE) Letra për Drejtimin – Raporti Vjetor 2022

REKOMNADIMET PËR VITIN 2022 SIPAS REZOLUTËS “PËR VLERËSIMIN E VEPRIMTARISË SË ERE PËR VITIN 2021”

1. Nxitja e investimeve për prodhimin e energjise elektrike nga burimet e rinovueshme

Çështje

ERE në bashkepunim me Ministrinë e Infrastruktura dhe Energjisë dhe aktoret e tjerë në fushën e energjisë të luajë një rol aktiv në hartimin e një plani konkret për të bërë të mundur lehtësimin e barrierave, promovimin, si dhe incentivimin e impianteve të veteprodhimit të energjisë nga burime të rinovueshme (veçanërisht nga dielli dhe era) si për bizneset e mëdha prodhuese, që kanë një konsum energjie më të lartë, ashtu edhe për familjaret, Investimi në impiante të veteprodhimit të energjisë nga burime të rinovueshme, duke pasur parasysh edhe situatën dhe zhvillimet më të fundit në tregun global të energjisë, ndikon nga njera anë në uljen e shpenzimeve të energjisë për bizneset prodhuese dhe familjaret dhe nga ana tjetër në uljen e konsumit të energjisë nga rrjeti dhe diversifikimin e prodhimit të energjisë.

Impakti

Nxitja e investimeve të burimeve të vogla të rinovueshme nepërmjet krijimit të një terreni ligjor optimal, do ishte mjaft impaktuese për diversifikimin e prodhimit të energjisë por edhe në uljen e shpenzimeve konsumatore me qëllim garantimin e furnizimit me energji elektrike.

Rekomandimi

Materializimi i informacioneve të marra nga korrespondecat me OSSH sh.a dhe MIE, në raporte, relacionë, apo akte konkrete me qëllim nxitjen e investimeve.

Komentet e Drejtimit

Për plotësimin e këtij rekomandimi ERE ka zhvilluar një sërë korrespondencash me OSSH sh.a. për të kërkuar informacion për të krijuar një panoramë më të gjerë në lidhje me situatën dhe potencialin e burimeve të vogla të rinovueshme si ato fotovoltaike.

ERE ka kërkuar informacion subjekteve tregëtarë, lidhur me shkallën e interesit të shfaqur gjatë vitit 2022 nga konsumatorët e energjisë elektrike për instalimin e paneleve fotovoltaike për kategorinë e konsumatorëve familjarë dhe jofamiljarë si dhe një vlerësim nga ana e subjekteve tragtarë në lidhje me masën e kthimit të investimit të kryer për këto impiante.

ERE ka qene pjese aktive e bashkepunimit me MIE ne draftimin e Ligjit. Duke qënë se aktualisht ligji për burimet e rinovueshme është miratuar, ERE do të angazhohet në nxjerrjen e akteve rregullatore që dalin si detyrim i këtij ligji.

*Enti Rregullator i Energjisë (ERE) Letra për Drejtimin – Raporti Vjetor 2022***2. Mbrojtja e interesave të konsumatoreve nga çmimet e larta të energjisë****Çështje**

Duke pasur parasysh çmimet e larta të energjisë dhe zhvillimet më të fundit në tregun global të energjisë, në bashkëpunim me të gjithë aktoret në këtë fushë ERE duhet japë kontributin e saj dhe ekspertizen teknike për të bërë ë mundur forcimin e mekanizmave mbështetës për konsumatorët në nevojë, si dhe ruajtjen e ekuilibrit ndërmjet interesave të konsumatoreve, shtetit dhe sipërmarrësve në këtë sektor.

Impakti

Për konsumatorin shqiptarë çmimet e larta të energjisë në tregun global janë të ndjeshme dhe kanë impak ekonomik në tërësi për gjithë ekonominë shqiptare.

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për ato problematika që janë në kompetencat e saj për realizimin e këtij procesi.

Komentet e Drejtimit

ERE ka realizuar një studim për konsumin e energjise elektrike dhe sjelljen konsumatore në vendin tonë i cili i paraprin politikave të mundëshme për marrjen e masave mbështetëse. Ky studim është i publikuar në faqen ëeb të ERE.

Në të njëjtën kohë ERE ka ngritur një Grupi punë për "Studimin e praktikave më të mira rregullatore për adresimin e mbështetjes për kategorinë e klientëve në nevojë dhe nxjerrja e skenarëve më të aplikueshëm" është ende në proces.

ERE më herët ka miratuar Rregulloren për kushtet e ndërperjes së furnizimit me energji elektrike të klientëve në nevojë, si një detyrim i ligjit të sektorit të energjisë për ERE, dhe i përmbushur në afat. Në kuptim të detyrimeve që i lindin të licencuarit FSHU sh.a nga kjo rregullore, kanë vijuar korrespondencat siç edhe më herët me FSHU sh.a për ti rikujtuar detyrat e lëna nga ERE mbi zbatimin e parashikimeve të këtij akti rregullator ku ndër te tjera veçojmë krijimin dhe ruajtjen e një regjistri me numrin e klientëve në nevojë në formë të dhënash krahasimore e statistikore, si edhe procedurat e ndjekura për çrregjistrimin e këtyre klientëve përtej evidentimit të rasteve të ankimit nga kjo kategori etj. Kjo detyrë e lënë në kalendarin e rezolutës është në proces.

Enti Rregullator i Energjisë (ERE) Letra për Drejtimin – Raporti Vjetor 2022

3. Metodologjia e çmimit të blerjes së energjisë elektrike të prodhuar nga vetëprodhuesit.

Çështje

Të vijojë intensivisht bashkëpunimin me Ministrinë e Infrastruktura dhe Energjise për hartimin sa më parë të metodologjisë së përcaktimit të çmimit të blerjes së energjisë elektrike të prodhuar nga vetëprodhuesit, si dhe të luajë një rol proaktiv dhe të bashkëpunojë me të gjithë aktoret për zgjidhjen e problematikave të ndryshme që lindin nga instalimi i burimeve të vogla të rinovueshme, si për shembull problemi i mënyrës së trajtimit të netimit nga ana e OSSH, etj.

Impakti

Meqënëse shqipëri ka potencial të lartë për investime nga vetëprodhues kërkohet që ky treg të struktururohet në mënyrë eficiente.

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për ato problematika që janë në kompetencat e saj për realizimin e këtij procesi.

Komentet e Drejtimit

Në përputhje me përcaktimet e ligjit të ri për Burimet e Rinovueshme, duke marrë në konsideratë praktikën më të mirë të vendeve të rajonit ERE do të plotësojë detyrimet që rrjedhin nga ky ligji. Kjo detyrë do të vijojë të jetë në proces.

*Enti Rregullator i Energjisë (ERE) Letra për Drejtimin – Raporti Vjetor 2022***4. Nxitja e vënies në funksion e bursës së energjisë elektrike.****Çështje**

ERE të kërkojë impenjim maksimal nga të gjithë aktoret për të bërë të mundur që brenda vitit 2022 operimi i bursës të jetë funksional.

Impakti

Funksionimi i bursës ka ndikim të drejtperdrejte në bashkimin e tregut të energjisë elektrike midis Shqipërisë dhe Kosovës, si dhe në lehtësimin e bashkimit me tregje të tjera të vendeve fqinje në përputhje me rregulloret e tregut të energjisë elektrike të BE-se dhe modelin e synuar evropian

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për ato problematika që janë në kompetencat e saj për realizimin e këtij procesi.

Komentet e Drejtimit

ERE ka vijuar punën për evidentimin dhe analizimin e kuadrit ligjor dhe nënligjor të Shqipërisë dhe Kosovës, që rregullon veprimtarinë e Bursës Shqiptare të Energjisë Elektrike – ALPEX sh.a. Gjithashtu është rritur komunikimi ndërinstitucional me qëllim përmirësimin e kuadrit ligjor dhe harmonizimin e punës së Entit Rregullator të Energjisë dhe Zyrës së Rregullatorit për Energji ç'ka në dhjetor të vitit 2022 është finalizuar me nënshkrimin kolegjial të rregullave të operimit të bursës nga ERE dhe rregullatori i Kosovës. ERE gjatë vitit 2022 ka finalizuar procedurën e licencimit të "Bursës Shqiptare të energjisë elektrike – ALPEX" sh.a. në veprimtarinë e operimit të tregut të energjisë elektrike.

Në mbështetje të neneve 16; 18, pika 1, gërma "a" dhe "dh"; nenit 19 gërma "a", neneve 57 dhe 98 të ligjit nr. 43/2015, "Për sektorin e energjisë elektrike", i ndryshuar, Vendimit të Këshillit të Ministrave (VKM) nr. 519, datë 13.07.2016 "Për miratimin e modelit të tregut të energjisë elektrike" i ndryshuar si dhe të "Rregullores për organizimin, funksionimin dhe procedurat e ERE", miratuar me vendimin nr. 96, datë 17.06.2016, ERE në mbledhjen e perbashket me Rregullatorin e Kosoves në datën 27.12.2022, nepermjet vendimit nr. 347, datë 27.12.2022 miratoi rregullat t tregut të energjisë elektrike (rregullat e ALPEX përkufizimet, procedura e tregtimit si dhe procedura e kierimit dhe shlyerjes).

Në po këtë prizëm është duke punuar me asistencën e USAID për bashkërendimin e punës mes rregullatoreve, TSO-ve dhe bursës për të mundësuar bashkimin e tregjeve midis Shqipërisë dhe Kosovës dhe më tej me Maqedoninë e Veriut apo dhe Malin e Zi.

*Enti Rregullator i Energjisë (ERE) Letra për Drejtimin – Raporti Vjetor 2022***5. Ndhimesë në ndërtimin e rrjetit të transmetimit dhe shpërndarjes së gazit natyror****Çështje**

ERE të vijojë mbështetjen me ekspertizën teknike për të bërë të mundur ndërtimin e rrjetit të transmetimit dhe shpërndarjes së gazit natyror si një projekt me rëndësi për vendin në drejtim të rritjes së prodhimit të energjisë dhe diversifikimit të burimeve të prodhimit, si dhe të bëjë propozime konkrete në funksion të mundësive të reja të krijuara për zhvillimin dhe shfrytëzimin e tregut të gazit. Fillimi nga puna i gazsjellësit TAP duhet parë me prioritet nga ERE si një mundësi që e bën akoma më të domosdoshëm ndërtimin e këtij rrjeti për rritjen e prodhimit të energjisë përmes shfrytëzimit të gazit.

Impakti

Ngritja e infrastrukturës së gazit është me rëndësi, pasi gazi jo vetëm sjell diversifikimin e burimeve në vend dhe është më ekonomik në përdorimin, por ka edhe emetim shumë herë më të vogël në ambient. Vonesat e mundshme në këtë proces kanë efekte negative për ekonominë shqiptare në disa këndvështrime.

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për ato problematika që janë në kompetencat e saj për realizimin e këtij procesi.

Komentet e Drejtimit

ERE ka paraprirë miratimit të disa akteve nënligjore të cilat kanë ndikuar si për mundësinë e ndërtimit të rrjetit të transmetimit dhe atë të Shpërndarjes.

Gjithashtu janë miratuar edhe aktet nënligjore mjaft të domosdoshme për Terminalin e LNG (Gazit Metan të Lëngëzuar) si dhe aktet e tjera për Ruajtjen nëntokësore të gazit natyror, në kripërat e zonës së Dumresë dhe konkretisht:

- Metodologjinë e llogaritjes së tarifës për LNG
- Rregulloren për terminalin e LNG
- Liçensën për të dhënë të drejtën e operimit të LNG
- Metodologjinë e llogaritjes së tarifës në hapsirat e depozitimit të gazit.
- Rregulloren për Ruajtjen nëntokësore të gazit
- Liçensën për ruajtjen nëntokësore të gazit në Dumre.

ERE po bashkëpunon me Entin Rregullator të Italisë dhe Greqisë për përmirësimin e akteve nënligjore të TAP siç janë: Kodi i rrjetit TAP, Market Testi për vitin 2022 që do të vazhdojë edhe për vitin 2023 e cila do të bëjë që të rritet kapaciteti transportues i gazit nga 10 miliard m³gaz në një sasi më të madhe.

*Enti Rregullator i Energjisë (ERE) Letra për Drejtimin – Raporti Vjetor 2022***6. Përditësimi i faqes zyrtare në internet të linkut/grafika "Bëj një ankesë" në ERE****Çështje**

Në faqen zyrtare në internet duhet që linku/grafika "Bëj një ankesë" dhe numri i gjelbër në dispozicion të qytetareve/konsumatoreve të jetë në faqen kryesore dhe lehtësisht i aksesueshëm, mbrojtja e konsumatorit është një ndër objektivat kryesore të ERE-s.

Impakti

Mbrojtja e konsumatorit është një ndër objektivat kryesore të ERE-s. Ulja e impaktit të efekteve financiare të konsumatorit mbetet ndër objektivat kryesore të saj.

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për ato problematika që janë në kompetencat e saj për realizimin e këtij objekti.

Komentet e Drejtimit

- *Vënia në funksion e numrit të gjelbër për informimin e konsumatorit.*

ERE ka finalizuar procesin e nënshkrimit të kontratës me njërën nga kompanitë telefonike dhe aktualisht numri i gjelbër është aktiv. Ky numër shërben si një urë komunikimi pa kosto për konsumatorët me ERE-n.

- *Organizim trajnimi për grupe interesi me objekt "informimin mbi të drejtat e konsumatorit"*

Marreveshjet e Bashkëpunimit planifikohen të zhvillohen gjatë vitit 2023. Gjatë muajit prill 2022 nga ana e Qendrës së Konsumatorit Shqipëtar është organizuar seria e trajtimeve prezantuese në lidhje me rolin e institucioneve të ndryshme në mbrojtjen e konsumatorit si dhe të drejtat e detyrimeve të këtyre të fundit. Në takimin e realizuar në datë 07.05.2022, i cili lidhej kryesisht me të drejtat e konsumatorit përfaqesueset e ERE-s, prezantuan mes të tjerave si pjesë të fushatës informative, broshurat informative, si dhe mundësitë e aksesit në informacion të konsumatorëve.

- *Organizimi i tryezave të bashkëpunimit me zyrat e konsumatorit në bashkitë e vendit si dhe organizatat e krijuara për këtë qëllim.*

Nga ana e ERE-s, ka vijuar komunikimi me bashkitë kryesore në vend, si ajo e Tiranës dhe e Elbasanit. Është vendosur komunikimi me Bashkinë e Tiranës dhe do të zhvillohet brenda vitit 2023. Takimi me bashkinë e Elbasanit është organizuar me përfaqësues të këtij insitucioni si dhe përfaqësues të strukturave përkatëse për Zgjidhjen Alternative të Mosmarrëveshjeve pranë tyre. Në këto takime është prezantuar kuadri ligjor që rregullon sektorin e energjisë elektrike si dhe rolin e ERE në adresimin e problematikave të konsumatorit.

*Enti Rregullator i Energjisë (ERE) Letra për Drejtimin – Raporti Vjetor 2022***7. Vlerësimi nga ERE i Performancës së Shërbimit ndaj klientit****Çështje**

Gjatë vitit 2022 të miratojë dhe të fillojë zbatimin e rregullores për Masat e të Licencuarve në Aktivitetin e Furnizimit për Arritjen e Treguesve të Matjes dhe Vlerësimit nga ERE të Performancës së Shërbimit ndaj klientit.

Impakti

Miratimi i Rregullores mbi Masat e të Licencuarve në Aktivitetin e Furnizimit për arritjen e Treguesve të Matjes dhe Vlerësimit nga ERE do të sjellë përmirësimin e cilësisë së shërbimit ofruar konsumatorëve çka konsiston dhe në një nga detyrat kryesore të ERE.

Rekomandimi

Kjo detyrë e lënë në kalendarin e rezolutës rezulton e përmbushur.

Komentet e Drejtimit

Për këtë qëllim ERE me anë të vendimit nr. 23 datë 14.02.2022 miratoi Rregulloren mbi masat e të licencuarve në aktivitetin e furnizimit për arritjen e treguesve të matjes dhe vlerësimit nga ERE të performancës së shërbimit ndaj klientit. Ky vendim ka hyre në fuqi më datë 01.06.2022 dhe efektet për qëllime të raportimit të parë përfshijnë periudhën 1 Qershor - 31 Dhjetor 2022.

Në të njëjtën kohë ERE do të vijojë përpunimin e të dhenave sipas përcaktimeve të kësaj rregulloreje. Kjo detyrë e lënë në kalendarin e rezolutës rezulton e përmbushur.

*Enti Rregullator i Energjisë (ERE) Letra për Drejtimin – Raporti Vjetor 2022***8. Mbrojtja e të drejtave të konsumatoreve të energjise elektrike****Çështje**

ERE duhet të vijojë të ndjekë dhe monitorojë me rigozitet problematikat që kanë lidhje me mbrojtjen e të drejtave të konsumatoreve të energjisë elektrike, në mënyrë të veçantë zbatimin e detyrave që rrjedhin për FSHU sh.a. në përputhje me vendimin e Bordit të ERE- "Mbi rishikimin e planit të masave për Operatorin e Shpërndarjes të Energjisë Elektrike "OSHEE sh.a.", për respektimin e të drejtave të klienteve të furnizimit me energji elektrike".

Impakti

Mbrojtja e të drejtave të konsumatorëve lidhet në mënyrë direkte me aspektet sociale dhe ekonomike të konsumatorëve, kështu që mbrojtja tyre kërkon monitorim të vazhdueshëm.

Rekomandimi

ERE të japë ndihmesën e saj në monitorim e problematikave për mbrojtjen e konsumatorit në marrëdhënie me palët si: FSHU sh.a.; OSSH sh.a.; OST sh.a etj. si dhe të japë asistencën e nevojshme për ato problematika që janë në kompetencat e saj.

Komentet e Drejtimit

Në lidhje me këtë detyrë rezulton se gjatë vitit 2022 janë parashikuar dhe kryer këto monitorime:

- Monitorim mbi sigurimin e aksesit të palëve të treta në përputhje me kërkesat e Ligjit dhe akteve të miratuara nga ERE. Afatet brenda të cilave OST sh.a. realizon lidhjen e re. Monitorim në FSHU sh.a. mbi afatet dhe procedurat e trajtimit të ankesave të konsumatorit.
- Monitorim në OSSH sh.a. lidhur me mbikqyrjen e standardeve të arritura të cilësisë së shërbimit të furnizimit dhe performancës së rrjetit të shpërndarjes së energjisë elektrike për periudhën janar 2021- mars 2022.
- Monitorim në OST sh.a. lidhur me mbikqyrjen e standardeve të arritura të cilësisë së furnizimit dhe performancës së sigurisë së rrjetit të transmetimit të energjisë elektrike për periudhën janar 2021- mars 2022.
- Monitorim në FSHU sh.a. lidhur me detyrimet dhe raportimet periodike si dhe mbi mbikqyrjen e zbatimit të detyrave që rrjedhin për të licencuarin nga vendimi i Bordit të ERE-s, nr.201/2018, i rishikuar me vendimin nr. 217/2020 mbi rishikimin e "Planit të masave për Operatorin e Shpërndarjes të Energjisë Elektrike OSHEE sh.a., për respektimin e të drejtave të klientëve të furnizimit me energji elektrike", të Miratuar me vendimin e bordit të ERE-s, Nr. 201, datë 03.09.2018.

Ne vijim ERE do të kërkoj informacion të detajuar mbi nivelin e zbatimit të rekomandimeve apo të gjetjeve të ERE sipas këtyre rekomandimeve.

*Enti Rregullator i Energjisë (ERE) Letra për Drejtimin – Raporti Vjetor 2022***9. Sensibilizimi i konsumatorit për përdorimin me eficiencë të energjisë elektrike****Çështje**

Ne bashkëpunim me Agjencinë e Eficencës dhe duke iu referuar edhe praktikave më të mira ndërkombëtare ERE të punojë për sensibilizimin e konsumatorit për përdorimin me eficiencë të energjisë elektrike.

Impakti

Ky sensibilizim për konsumatorin përkthehet në kursim të energjisë dhe në më pak kosto për vetë konsumatorin.

Rekomandimi

ERE të japë ndihmesën e saj në sensibilizimin e konsumatorit për përdorimin me eficiencë të energjisë elektrike.

Komentet e Drejtimit

ERE ka realizuar takime bilaterale me Agjencinë e Eficencës për diskutimin e praktikave të përbashkëta dhe ngritjen e një strategjie të përbashkët afatmesme për adresimin e çështjeve të interesit të konsumatorit sa i përket përdorimit eficient të energjisë.

Në të njëjtën kohë ERE ka vijuar koorespondenca e takime me përfaqësues Agjencisë së Eficencës, me qëllim mbarëvajtjen e fushatave të përbashkëta promovuese që lidhen me sensibilizimin e konsumatorit sa i përket përdorimit eficient të energjisë. ERE ka kërkuar nga FSHU sh.a. që në faturën e konsumit të energjisë elektrike, të përfshihet linku apo QR code i cili gjeneron broshurat informative të përgatitura në bashkëpunim me ERE dhe agjencinë së Eficencës me qëllim njohjen e konsumatorit me masat që duhet të marrë për të kursyer energji.

Enti Rregullator i Energjisë (ERE) Letra për Drejtimin – Raporti Vjetor 2022

10. Ofertimi i çmimeve nëpërmjet një platforme të furnizuesve të licencuar.

Çështje

ERE të marrë masat e nevojshme për realizimin dhe implementimin e platformes ërmes së cilës të licencuarit në veprimtarinë e furnizimit, që do ta ushtrojnë këtë aktivitet për furnizimin e klienteve në treg të lirë, do t'iu mundësohet të hedhin të dhënat në kohë reale në lidhje me çmimin e ofruar për furnizimin me energji elektrike në treg të lirë.

Impakti

Aksesimi i një platforme për të gjithë konsumatorët jep mundësinë e informimit në kohë reale të çmimeve në tregun e lirë, e cila bën të mundur transparencën dhe orientim e drejtë të konsumatorit në treg e lirë.

Rekomandimi

ERE të japë asistencën e nevojshme për realizimin e kësaj platforme të furnizuesve të licencuar.

Komentet e Drejtimit

Në buxhetin e vitit 2022 është parashikuar fondi për blerjen e softit për realizimin dhe implementimin e platformës përmes së cilës të licencuarit në veprimtarinë e furnizimit që ushtrojnë aktivitetin e furnizimit të klientëve në treg të lirë, dhe është duke u implementuar kontrata për realizimin e kësaj platforme.

Platforma pritet të jetë në funksion brenda vitit 2023.

ERE do të vijojë të realizojë trajnime për furnizuesit me qëllim përdorimin e kësaj platforme. Si dhe do të rishikoj aktet rregullatore me qëllim implementimin e plotë të kësaj platforme.

Janë zhvilluar procedura e prokurimit me qëllim sigurimin e platformës përkatëse e cila do të jetë në funksion brenda vitit 2023.

*Enti Rregullator i Energjisë (ERE) Letra për Drejtimin – Raporti Vjetor 2022***11. Instalimi gradual i matësve inteligjentë, bazuar në një analize kosto-përfitim****Çështje**

Të vijojë të kërkojë mundësinë e instalimit gradual të matësve inteligjente, bazuar në një analizë kosto-përfitim dhe të mbulimit me rrjetin e telekomunikacionit, pasi veç të tjerash përmirëson cilësinë e shërbimit ndaj konsumatorit, duke evituar problematikat e mbifaturimit dhe ankesat e konsumatoreve. Faktet tregojnë se edhe gjatë vitit 2021 ankesat me objekt "Mbifaturim të energjisë elektrike" janë rritur krahasuar me një vit më parë duke zënë vend kryesor në totalin e ankesave të regjistruara në ERE.

Impakti

Përveç efekteve financiare të drejtpërdrejta ndaj konsumatorëve, mbifaturimi i energjisë elektrike ka efekte edhe për sektorin energjistik në tërësi, pasi do të rezultonte në deformim të treguesve ekonomik dhe financiarë të sektorit.

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për Instalimi gradual i matësve inteligjentë, bazuar në një analize kosto-përfitim të cilat janë në kompetencat e saj.

Komentet e Drejtimit

ERE është duke vijuar komunikimi me OSSH sh.a, duke i kërkuar kësaj të fundit që të marrë masat për të kryer një analizë kosto përfitim për instalimin gradual të matësve inteligjentë në një numër më të madh konsumatorësh vecanërisht duke patur në konsideratë që instalimi i një sistemi të sigurt matjeje jo vetëm ul numrin e ankesave për mbifaturim dhe shmang problematika që lidhen me matjen, por edhe krijon mundësinë për konsumatorin qofte jo familjar por edhe atë familjar, që të shfrytëzojë hapësirë që ligji për sektorin e energjisë elektrike i ka garantuar, për të dale në treg të liberalizuar duke vlerësuar ofertat me të mira.

ERE do të vijojë të mbeshtesë realizimin e instalimit gradual të matësve inteligjentë nëpërmjet tarifave për operatorët e rrjetit.

Enti Rregullator i Energjisë (ERE) Letra për Drejtimin – Raporti Vjetor 2022

STATUSI I ÇËSHTJEVE SIPAS LETRËS SË DREJTIMIT TË VITIT 2021

1. Zvogëlimi i barrierave rregullatore

Çështje

Me qëllim zvogëlimin e barrierave rregullatore dhe shkurtimin e kohës së procedurave rregullatore, të kryeje një analize ex-post të rregulloreve përkatëse.

Impakti

Rishikimi dhe kryerja e një analize të rregulloreve aktuale, bën të mundur që të identifikohen mangësitë përkatëse, bazuar gjithashtu edhe në evidencat apo rastet specifike që mund të jenë raportuar, si pasojë e barrierave dhe burokracive rregullatorë. Dobësitë dhe problematikat e nxjerra nëpërmjet kësaj analize ex-post, shërbejnë për të përmirësuar kuadrin rregullator në vijim.

Rekomandimi

Realizuar me vendimin 220/2022.

Komentet e Drejtimit

Realizuar me vendimin 220/2022.

Enti Rregullator i Energjisë (ERE) Letra për Drejtimin – Raporti Vjetor 2022

STATUSI I ÇËSHTJEVE SIPAS LETRËS SË DREJTIMIT TË VITIT 2020

1. Pronësia e kabinave elektrike

Çështje

ERE për zgjidhjen e problematikës së pronësisë së kabinave elektrike të bëjë propozimet përkatëse edhe për ndryshime ligjore, nëse është e nevojshme, apo të japë rekomandimet e nevojshme për institucionet përkatëse dhe të kërkojë edhe ndërhyrjen e Kuvendit përmes Platformës Ndërinstitucionale Online, të ngritur nga Kuvendi i Shqipërisë, e cila është në dispozicion të institucioneve të pavarura si një mjet i ri që synon rritjen e autoritetit të institucioneve të pavarura, si dhe përfshirjen e Kuvendit të Shqipërisë si katalizator ndërmjet institucioneve të pavarura dhe atyre qeveritare për zgjidhjen e problemeve.

Impakti

Problematika me pronësinë e kabinave elektrike ndikon në krijimin e defekteve të shumta për abonentët duke ndikuar në cilësinë e shërbimit. Abonentët shpesh herë mbeten pa energji elektrike dhe ankohen drejtëpërdrejtë tek OSSH. Gjithashtu për OSSH humbjet në rrjet janë të mëdha për shkak të amortizimit të madh të kabinave dhe kushteve jo të mira të mbajtjes së tyre. Ato gjithashtu shfaqin edhe rrezik për jetën e individëve pranë tyre. Që ato të kalojnë në pronësi të tyre duhet bërë blerje të prokurimeve publike gjë që është e vështirë për tu realizuar.

Rekomandimi

Realizuar me ndryshimet e ligjit 43/2015 ne vitin 2020 neni 71/1.

Komentet e Drejtimin

Realizuar me ndryshimet e ligjit 43/2015 ne vitin 2020 neni 71/1.

*Enti Rregullator i Energjisë (ERE) Letra për Drejtimin – Raporti Vjetor 2022***2. Ankesat konsumatore për periudhën 2008-2011****Çështje**

Përgjatë viteve 2008-2011 ankesat e konsumatorëve kanë qënë të larta dhe kanë mbetur pa zgjidhje akoma edhe në ditët e sotme. Kryesisht përgjatë këtyre viteve konsumatorët janë ankuar ndaj CEZ shpërndarje, për mungesën e energjisë elektrike, mosdorëzim faturash, ose gabim faturimi por të dhëna të shumta ende mungojnë.

Impakti

Ekziston pasiguria lidhur me evidentimin e këtyre ankesave dhe pranimi i tyre si “dëm ekonomik” dhe “energji e pamatur”, ka vijuar me zgjidhje ende në ditët e sotme pasi nuk janë ende të mirëpërcaktuara. Ende mungon një zgjidhje konkrete nëse këta konsumatorë do të dëmshpërblehen apo do të jepet një zgjidhje e pëlqyeshme nga të dy palët. Problematikë qëndron fakti se në ato vite numri i kontratave me klientët në mënyrë të rregullt ka qënë i ulët dhe informaliteti më i lartë. Në ditët e sotme është e vështirë të vërtetohet nëse kanë qënë të rregullta apo jo për shkak të hendekut të madh të kohës.

Rekomandimi

Ne rekomandojmë që ERE në rolin e rregullatorit të japë një zgjidhje përfundimtare për zgjidhjen e ankesave në bashkëpunim me 3 shoqëritë duke bërë të mundur krijimin e një plani të përbashkët në mënyrë që numri i klientëve të ankuar të vijë duke u ulur. Përcaktimi i një standardi të përbashkët për zgjidhjen e ankesave të klientëve nëse do tu jepet zgjidhje apo do të mbyllet si çështje përfundimisht.

ERE të vijojë të ndjekë në bashkëpunim me strukturën përgjegjëse të shoqërisë FSHU sh.a. deri në zgjidhjen përfundimtare çështjen e ankesave të klientëve, të cilët janë faturuar nën emërtimet “energji e pamatur” dhe “dëm ekonomik” në periudhën tetor 2008 – prill 2011.

Komentet e Drejtimit

ERE ka vijuar me trajtimin e ankesave rast pas rasti dhe ka dhënë rekomandimet perkatëse per keto raste. ERE në rolin e rregullatorit ka vijuar më mbikëqyrjen e procesit të trajtimit të ankesave por ende nuk kemi një zgjidhje përfundimtare. Në këtë çështje ka ndikuar gjithashtu vendimi i Ministrisë së Shëndetësisë për izolimin e vendit me rastin e Covid-19. Gjithashtu është kërkuar një vlerësim për statusin apo numrin e kontratave me klientët përgjatë atyre viteve.

*Enti Rregullator i Energjisë (ERE) Letra për Drejtimin – Raporti Vjetor 2022***3. Sistemet informative dhe rreziku i sulmit kibernetik****Çështje**

Gjatë vitit 2020, me miratimin nga ERE të strategjisë për infrastrukturën kritike në ektorin e energjisë elektrike, ajo duhet t'i kushtojë vëmendje të veçantë implementimit të kësaj strategjie në përputhje me direktivën e BE-së "Për sigurinë e sistemit dhe sistemeve informatike".

Impakti

Strategjitë e rregullores për sistemin informativ dhe mbrojtjen ndaj sulmeve kibernetike do të sillnin parandalimin e humbjeve të të dhënave në kushtet e një sulmi kibernetik. Vetëm OST deri më tani ka dërguar rregulloren e përcaktuar për informatizimin e tyre. Mungesa e një specialist IT të trajnuar mbi sigurinë e informacionit tek ERE do të sillte problematika në shqyrtimin e rregulloreve të sjella nga ana e shoqërive. Mungesa e raportimeve periodike nga ana e shoqërive tregon rrezikshmëri për rënien në kontakt të tyre me sulmet kibernetike sepse vëmendje kushtuar ndaj tyre mund të jetë më e vogël.

Rekomandimi

Ne rekomandojmë ERE të ndërmarrë masat e nevojshme dhe të vazhdueshme për të marrë rregulloret nga ana e 3 shoqërive KESH sh.a., OST sh.a, dhe OSHEE sh.a duke vendosur theksin tek sistemi i parandalimit të vjedhjes dhe humbjes së të dhënave.

Ne të njëjtën kohë rezultojnë se ERE për efektet e Cyber security dhe platformave që ERE zotëron apo është në proces zhvillimi është e nevojshme ngritja e një infrastrukture IT në nivelin që të garantohet mbarvajtja e punës dhe siguria kibernetike dhe për institucionin. Duke marrë shikime dhe nga sulmet kibernetike të viteve të fundit në vendin tonë.

Komentet e Drejtimit

Ere ka miratuar rregulloren për sigurinë kibernetike. Deri më tani ERE i është drejtuar 3 shoqërive KESH sh.a., OST sh.a, dhe OSHEE sh.a për masat e marra ndaj tyre në lidhje me implementimin e strategjisë së sistemeve informative sipas Direktivave të BE-së. Zhvillimi i takimeve të ndryshme me Autoritete të ndryshme për sigurinë kibernetike duke qënë se me anë të avancimeve teknologjike në çdo proces edhe ekspozimi ndaj rreziqeve është i madh.

ERE ne vijim do të merret me akomodimin e strukturës IT që përfshin paisjet hardëare dhe ambientet e nevojshme sipas kërkesave të akteve ligjore.

Enti Rregullator i Energjisë (ERE) Letra për Drejtimin – Raporti Vjetor 2022

REKOMANDIME TË TJERA

- Transpozimi dhe zbatimi i rregullores CACM (Alokimi i Kapaciteteve dhe Menaxhimi i Konxhestioneve) sipas vendimit të Keshillit të ministrave të vendeve antare të Komunitetit të Energjisë.
- Transpozimi i rregullores të FCA, (foreword capacity allocation)
- Berjen funksionale të sistemit rajonal të garancive të origjinës.

Lidhur me këto transpozime dhe miratime të akteve rregullatore që lindin si detyrime nga pjesmarrja në tregun vendas dhe rajonal të energjisë është e nevojshme që ERE të këtë konsulence të jashtme të specializuar në këto fusha.

*Enti Rregullator i Energjisë (ERE) Letra për Drejtimin – Raporti Vjetor 2022***Shtojcë****Përgjegjësia e Drejtimin për Objektivat dhe Kufizimet e Sistemit të Kontrollit të Brendshëm**

Komentet e mëposhtme u referohen përgjegjësisë së Drejtimin për sistemin e brendshëm të kontrolleve, ku objektivat dhe kufizimet e qënësishme në sistemin e kontrollit të brendshëm janë marrë nga Standardet Ndërkombëtare të Auditimit të Federatës Ndërkombëtare të Kontabilistëve.

Përgjegjësia e Drejtimin

Drejtimi është përgjegjës për vendosjen dhe mirëmbajtjen e sistemit të kontrolleve të brendshme. Në përmbushjen e kësaj përgjegjësie, Drejtimi duhet të vlerësojë përfitimet dhe kostot e pritura përkatëse të politikave dhe procedurave për kontrollet e brendshme.

Objektivat

Objektivat e sistemit të kontrollit të brendshëm janë që të japin siguri drejtimi, sa më shumë të jetë emundur, që asetet të jenë të mbrojtura nga përdorimi i paautorizuar ose keqpërdorimi, dhe se transaksionet janë ekzekutuar në përputhje me politikat e drejtimin dhe të regjistrohen saktë, në mënyrë që të mundësohet përgatitja në kohë e informacionit të besueshëm financiar në përputhje me parimet e zbatueshme të kontabilitetit.

Kufizimet

Për shkak të kufizimeve të qënësishme në çdo sistem të kontrollit të brendshëm, gabimet apo parregullsitë, mund të ndodhin dhe të mbeten të pazbuluara. Gjithashtu, parashikimi i çdo vlerësimi të sistemit të kontrollit të brendshëm për periudhat e ardhshme është subjekt i rrezikut që politikat dhe procedurat mund të bëhen të papërshtatshme për shkak të ndryshimeve të kushteve ose efektiviteti i hartimit dhe i zbatimit të politikave dhe procedurave mund të përkeqësohet.



STUDIO
"VIAR - CONSULTING" sh.p.k

Adresa: Rr. "L. Gurakuqi" Ndëtesa 18, N.4; K.6; Ap.21,
Tiranë, Albania
T: 04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

RAPORT DHËNIE SIGURIE - RAPORTI VJETOR 2022

Enti Rregullator i Energjisë (ERE)

Tiranë, më 30 Mars 2023



Adresa: Rt. "L.Gurakuqi", Ndëtesa.18, H.4, K.6: Ap.21,
Tiranë, Albania
T: 04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

RAPORT I SIGURISË SË PROFESIONISTIT TË PAVARUR

Drejtuar: Kryetarit dhe Bordit të Entit Rregullator të Energjisë (ERE)

Enti Rregullator i Energjisë ("ERE" ose "Enti") angazhoi audituesit e pavarur Shoqërinë "VIAR-Consulting" shpk me Audituese Ligjore Znj. Fatime Alliu me Licensë Nr.166 dhe Shoqërinë Nexia AL shpk, me Audituese Ligjore Znj. Orjana Kalaja me Licensë Nr.284 (referuar më tej si "Audituesit"), për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2022 ("të dhëna të zgjedhura"), me qëllim dhënien e sigurisë së kufizuar sipas kritereve të përshkruara më poshtë (Qëllimi i punës). Për qëllimet e këtij raporti, të dhënat e zgjedhura kanë të bëjnë me veprimtarinë e Entit në Shqipëri dhe nuk përfshijnë informacione që kanë të bëjnë me palë të tjera bashkëpunuese ose aktivitete / performanca të palëve të treta.

Qëllimi i punës

Angazhimi i dhënies së sigurisë është planifikuar dhe kryer në përputhje me Standardin Ndërkombëtar SNAS 3000, "Angazhimet e Dhënies së Sigurisë ("SNAS 3000") që ndryshojnë nga Auditimet ose Rishikimet e Informacioneve Financiare Historike", me qëllim që të japim një opinion për dhënie sigurie të nivelit të kufizuar për:

- Verifikimin e informacioneve shpjeguese cilësore dhe sasiore të paraqitura në Raportin Vjetor 2022 në mënyrë specifike për gjendjen në sektorin e energjisë elektrike dhe të gazit natyror, në krahasim me kriteret e zbatueshme ("Kriteret e Performances", të ilustruara në Raportin Vjetor), mbështetur në Ligjin nr. 43/2015, "Për Sektorin e Energjisë Elektrike", i ndryshuar dhe Ligjin Nr. 102/2015 "Për Sektorin e Gazit Natyror", i ndryshuar.



Adresa: Rr. "L.Gurakuqi, Ndëtesa.18; H.4; K.6; Ap.21,
Tiranë, Albania
T: 04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

Përgjegjësitë e drejtimit

Drejtimi i të Entit Rregullator të Energjisë është përgjegjës për përgatitjen, prezantimin, tërësinë dhe saktësinë e të dhënave jofinanciare të dhëna për ne, siç paraqiten në Raportin Vjetor 2022. Për më tepër, drejtimi i ERE është përgjegjës për regjistrimet e mbajtura dhe kontrollet e brendshme të përshtatshme që janë krijuar për të mbështetur procesin e raportimit dhe të përputhshmerisë ligjore. Në mënyrë të veçantë, drejtimi është përgjegjës për hartimin e kontrolleve të brendshme dhe zbatimin e tyre për të parandaluar që Raporti të ketë anomali materiale.

Përgjegjësitë e Audituesve

Ne kemi kryer një shërbim dhënie sigurie të kufizuar. Përgjegjësia jonë është të shprehim konkluzionin tonë bazuar në procedurat e kryera, për të dhënat e zgjedhura, siç përshkruhet më sipër në seksionin "Qëllimi i punës".

Përgjegjësia jonë është e kufizuar në informacionin shpjegues për vitin e mbyllur më 31 dhjetor 2022, të prezantuara në Raportin Vjetor për vitin 2022.

Në masën që lejohet nga legjislacioni në fuqi, ne nuk pranojmë dhe nuk marrim asnjë përgjegjësi për angazhimin tonë, ndaj kujt do tjetër përveç ERE, përveç rasteve kur është rënë dakord në mënyrë të shkruar, me pëlqimin tonë paraprak.

Ne kemi kryer punën tonë duke mbledhur gjithë të dhënat, dokumentacionin përkatës, informacionin dhe shpjegimet që ne i konsideruam të nevojshme për të dhënat e zgjedhura të përshkruara, në seksionin "Qëllimi i punës". Procedurat e ndjekura në lidhje me të dhënat e zgjedhura përfshijnë:

- Intervistat me drejtimin dhe personelin përgjegjës për informacionin dhe supozimet përkatëse.
- Vizita në ambientet e Entit Rregullator të Energjisë.



Adresa: Rr. "L.Gurakuqj; Ndëtesa.18; H.4; K.6; Ap.21,
Tiranë, Albania
T: 04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

- Rishikimit dhe vlerësimit të proceseve dhe kontrolleve të përdorura për mbledhjen, grumbullimin, vlerësimin dhe raportimin e të dhënave;
- Teste me zgjedhje mbi të dhënat e mbledhura dhe formulat, kur kërkohen.

Niveli i Dhënies së Sigurisë

Procedurat që kemi kryer janë hartuar për të ofruar siguri të kufizuar, sic specifikohet në SNAS 3000, mbi të cilat ne u bazuam për të arritur në konkluzione për angazhimin tonë. Këto procedura nuk janë aq të zgjeruara sa ato që kërkohen për dhënien e sigurisë së arsyeshme, për pasojë, merret një nivel më i ulët i sigurisë.

Kufizimet

Për të kryer punën tonë, ne u mbështetëm ekskluzivisht në informacionin e dhënë nga drejtuesit e Drejtorive të Entit Rregullator të Energjisë, të cilin ne e pranuan me mirëbesim si informacion të plotë, të saktë, të vërtetë dhe jo mashtrues.

- Si rrjedhim, ne nuk kemi kryer procedura verifikimi shtesë, përveç procedurave të përcaktuara në mënyrë të qartë në Raportin tonë në seksionin, Përgjegjësitë e Audituesve, të cilat rrjedhin nga metodologjia e rënë dakort reciprokisht.
- Asnjë punë nuk është kryer për të dhënat të periudhave të raportimeve të mëparshme, si dhe mbi të dhënat në lidhje me objektivat dhe parashikimet.
- Asnjë punë nuk është kryer për asgjë tjetër përveç qëllimit të rënë dakord dhe për rrjedhojë, konkluzioni ynë është i kufizuar për këtë qëllim.

Pavarësia

Audituesit zbatojnë kërkesat e Standardit Ndërkombëtar për Kontrollin e Cilësisë nr.1. Bazuar në këtë, mbajmë një sistem të kontrollit të integruar të cilësisë që përfshin politikat dhe procedurat për respektimin e parimeve morale, standardeve profesionale dhe kërkesave përkatëse ligjore dhe rregullatore. Ne jemi në përputhje me kërkesat e pavarësisë dhe



STUDIO
"VIAR - CONSULTING" sh.p.k.
Adresa: Rr. "L.Gurakuqi", Ndëtesa.18; H.4; K.6; Ap.21,
Tiranë, Albania
T: 04 56 28 875
Web: www.viar.al



Str. Margarita Tutulani,
Palazzo Vindario 1, 1-st floor,
Tirana, Albania
T: +355 4 223 2726
www.nexia.al

standardet e tjera etike të Kodit Etikes së IFAC për profesionistët të Bordit të Standardeve Ndërkombetare të Etikes për Audituesit (IESBA), i cili bazohet në parimet themelore të integritetit, paanshmerisë, përshtatshmerisë profesionale, konfidencialitetit dhe sjelljes profesionale. Në këtë kontekst, ekipi Audituesve për dhënien e sigurisë është i pavarur nga Enti Rregullator të Energjisë dhe nuk ka marrë pjesë në përgatitjen e Raportit Vjetor për vitin 2022.

Konkluzione

Bazuar në procedurat e kryera dhe evidencën e marrë, asgjë nuk na ka tërhequr vëmendjen tonë që të na bëjë të besojmë se ka ndonjë gabim ose anomali që do të ndikonte materialisht në dhënien e informacioneve rreth përputhshërisë ligjore të aktivitetit (përfshirë shënimet shpjeguese dhe referencat përkatëse) sic paraqiten në Raportin Vjetor të Entit Rregullator të Energjisë për vitin e mbyllur më 31 Dhjetor 2022. Për më tepër, asgjë nuk ka tërhequr vëmendjen tonë që të bëjë të besojmë se të dhënat e paraqitura, nuk janë përgatitur, në të gjitha aspektet materiale, në përputhje me kriteret e përmendura më lart, në seksionin "Qëllimi i punës".

Nexia-AL sh.p.k

Orjana Kalaja


Auditues Ligjor
License Nr.284



VIAR-Consulting sh.p.k

Fatime Alliu

Auditues Ligjor
License Nr.166



Tiranë, 30/03/2023